



adabiyot ISLAMONLINE.UZ

Икки оғиз тариқатдан ҳам бўлсун (Абдулла Қодирий)

Хилват кунлари[1] ҳам якинлашди. Кўрпа ёстикни сотиб бўлса ҳам баъзи совук сўфилар Туркистон йўлини — Султонул-орифин[2] кабрини кўзлай бошладилар. Факирингиз ҳам тариқат ишларидан унча бепарво эмасман. Тўксон тушуб[3] дахага кириш[4] масаласи чикгач, факирнинг кўз ўнгида ёглик хасиб, кизил палов, аччиг сомса, захардек чой гавдалана бошлайдир.

Ўзимизнинг шаҳардан топилиб турганда Туркистон шаҳарига бориб юргум келмайдир. Бултур ўзимизнинг Хазрат эшон ҳам Миён бузрукнинг ракобатига «даха» ўлтуришни одат килуб кўрган эдилар, натижа жуда яхши чикди. Ўн еттита хилватхона тикилди. Ўттуз бешгача муридлар дахага ўлтурдилар. Хар кун намозшомдан кеинин масжиднинг ичида сайл, хилватда ўлтурган ошна, ога-инининг олдига кирсак узок-якин ёр-дўстлардан келган анвоъи турлук неъмат, козок бовурники ҳам колмасун десак, яхна эт, эй... кайси бирисини санай энди...

Коринни дўппайтириб олгандан сўнг бошланади жахр. Хазрат эшон меҳробда, халканинг

бир чеккасида иккита хофиз, бир пайт зикр, бир пайт хикматдан хофизлик, йиги-сиги, аросат! Бу вақтда тош битиб кетканлар ҳам эрийдир, дуо олиш учун бир онда эшон бобомиз коғоз окча билан мехроб оралаш кўмилган... ким ўгул талаб, ким киз талаб, хой бовур, нима тилагингиз бўлса кўл дуода, хонакох ичи кизгин бозор.

Нима кўп дунёда, ёмон кўп, яхши ишни кўра олмагучилар кўб. Шу якин орада ўзининг кўлидан эшонлик иши келмаган муллалардан биттаси: «Хонакохта савдо иши харом. Бас, савдогарликдан иборат бўлган «зикр самоъ» ҳам харом!» деб юбормасунми, бетамиз! Узок-якиннинг халфа муридлари халиги пештахамни ушлаб олуб «Хайф санга!» дейишдилар. Махалла ахлининг хамияти диниялари кўзгаб кетиб тиюксизни юртчиликдан ҳам чиқаришга қарор беришдилар. Эшонимизнинг «Илми ботиналари» кўб бўлса ҳам «Илми зохириялари» бир оз бемазарок. Бўлмаса халиги мулланамонинг кофирлиги билан ҳукм қилиш мана-берда турган гап эди. Шундай бўлса ҳам махалла юрт оғаси муфти аълам бўлса шунга етти танга пул билан югуруб турубдир. Фақирингиз махкамаи шаръиянинг ишсизлигига туруб-туруб хайрон қоламан. Пайти келганда шундайин бемаза муллаларнинг кофирлиги ва тошбўрон қилиниши билан ҳуқум қилуб дунёда ўзидан бир от қолдирмайдирми? Хар холда дунёда эр зоти қуриган кўринадир.

Муҳиббут-тарикат Жулқунбой

«Туркистон» — 1923 йил, 12 январ, 46-сон, 2-бет

[1] Хожа Аҳмад Яссавий Сўфийлик мазхаби — яссавия сулукига асос солди, илохий ишқни қўлади. Аллох жамолига мушаррафлик фақат узлат-хилватда, зикру самода, вужуди мутлак билаи суҳбатда деб билди. Яссавий «етти» рақамини илохий билиб, «Тарикат йўлида етти кун хилватда бўлиш 40 кунлик чилла ўтириш билан баробар» деб муридларига уқтирган. Дастлаб хилват Яссавийнинг руҳсатига кўра уч жойда — Туркистонда, Сайрамда ва Қорамурт қишлоғида ўтказилган. Хилватни ўтказувчи шахслар — шайхулислом — шарият билан боғлиқ ишларга жавобгар; ноиб хўжалик ишларига жавобгар; сўфидонишманд — намоз пайтини эълон қилиш ва хофизларга, зоқирларга навбат берувчи; сўфичирокчи хилват иштирокчиларини жойига ўтказиш ҳамда халим ва таом тарқатиш вазифасини бажарганлар. Туркистон хилватти жадйда — декабр ойининг сўнги жумасидан бошланиб етга кун давом этган. Чоршанба ва пайшанба «Айём кунлари» ҳисобланиб, пайшанба — вазифа қуни аҳли мўминларга халим ва холвайтар тарқатилган. Жума қуни ҳам нешин намозидан сўнг халим тарқатилган. Таомдан сўнг муридлар азизларни қўлда кўтариб хилватхонага келганлар. Йўлда хофизлар ҳазратнинг бевақт вафот этган ўғлига атаб «Охинадомат»ни қўйлаганлар. Хар бир азиз ўз қавми билан Яссавий қабрини зиёрат қилиб, сўнгра хилватхонага тушган. Азизлар мехробда қўлида тасбех, бўйнида оқ рўмол (ридо) билан ўтириб фотиҳа бергач, хофизлар «Муножот»ни айтганлар. Хофизлар газалхонлик ва мақомотлари

билан етти кун-тун хофизлик килганлар. Хилватда иштирок этиш хофизлар учун ўзига хос кўрик бўлган. Улар асосан Яссавий хикматлари, Навоий, Фузулий, Атоийнинг газалларини сўфийларнинг камолотга етишадиган тўрт боскич — шарият, тарикат, маърифат ва хакикатга мос равишда куйлаганлар. Огир, салмокли талкин бора-бора тезлашиб, авжига чиккан. Зикрчилар хам хофизларнинг мусикий овозига мос равишда тебраниб ўтириб, талкиннинг тезлиги ошган сари тебранганлар ва охир жазавага келганлар. (Тасаввуфнинг яссавия тарикатида зикр тилда (зикрал жахрий), накшбандия тарикатида эса дилда (зикрал-хофий) айтилади. Зикр пайтида мусикий талкин жуда таъсирли бўлиб, уни «самъа» (арабча — само эшитмок) деб атаганлар, хилватда «зикр-само» (эшитиб, худони ёдга олиш) атамаси шундан пайдо бўлган. Хилватхонадан бир хафта ўггач, жума куни пешин намозидан кейин чикканлар. Ювиниб, янги кийим кийганларидан сўнг, уларни муридлари кўтаришиб, уйига олиб борганлар. Сўфидонишманд навбатдаги хилватни эълон килиб, мурид ва иштирокчиларга рухсат берган. Азизларни бир неча кун давомида халк зиёрат килган.

[2] Султонул-орифин — Яссавийнинг илмий рутбаси.

[3] Тўксон тушиш — уч ойлик киш.

[4] Дахага кириш — масжидда ўтириб, гунохларидан ўтишини сўраб, тонг сахардан кун ботгунча ўн кун тоат-ибодатда Аллохга илтижо килиш.